



Bybelstudie 2: Jesus Christus se triomfantlike opstanding

BYBELSE VERWYSINGS

Christus se kruisdood en triomfantlike opstanding is :

Die fondasie van ons Christen geloof.

1 Korintiërs 15:12-19; Romeine 1:4

Die opstanding van Jesus Christus gee outoriteit aan Hom wat verseker dat sy werk en lewe nie gereduseer kan word tot net 'n filosofie of “goeie lewe” nie. Jesus Christus is God se Goeie Nuus vir die hele mensdom.

In Christus se opstanding kondig God self aan dat Jesus God se gestuurde is. Die opstanding transformeer ook Jesus se volgelinge – en stuur hulle na die uithoeke van die aarde om die Evangelie aan hulle te bring. Die opstanding is die spilpunt van die Christen geloof...!

(‘n Gebeurtenis wat) deur bewys gestaaf is .

Johannes 20:1-29; 1 Korintiërs 15:1-8

Wanneer ons die opstanding ondersoek, word ons eerstens gekonfronteer met die feitlike bewyse: Die leë graf met net die linne; geen “ander” verduideliking as die opstanding nie; die verskeie verskynings van die opgestane Jesus aan verskillende mense.

Daar is ook die psigiese bewyse: Die getransformeerde en gemotiveerde dissipels; die “vuur en insig” waarmee hulle sy werk voortgesit het; die wonders en werke wat hulle in Sy Naam kon doen; die oortuiging waarmee die martelare in die aangesig van die dood steeds volgehou het in hul geloof; die moeite in verandering van tradisies en geloof – bv Saterdag na Sondag verskuif – na honderde jare eenvormigheid.

‘n Belofte van die uiteindelijke oorwinning.

1 Korintiërs 15:24-28; Handeling 17:30-31

Die opstanding is die bewys dat Christus se lewe en taak voldoen en triomfantlik was. Dit maak ook elke Christen se geloof triomfantlik. Christus se opstanding het aan my en jou die oorwinning oor die sonde en ook die dood bewerk.





Die krag van en in elke Christen se lewe.

Fillipense 3:10-11; Romeine 6:5-14

Christus se opstanding is nie net 'n geskiedkundige gebeurtenis nie – dit bepaal hoe elkeen van ons (wat glo in Hom) na ons hede en toekoms kyk – dit gee noodsaaklike kleur, hoop en motivering vir elke gelowige!

Die Nuwe Testament leer ons dat Christene reg moet wees om soos Jesus Christus te wees in lewe en dood. Ons moet sy voorbeeld volg en ons ou eie-belange afsterf (soos Hy gesterf het) en ons nuwe lewe opneem (soos Hy opgestaan het tot 'n nuwe lewe). Ons lewe vandag in dieselfde krag waarin God Jesus uit die dood opgewek het...!

Versekering van ons ewige veiligheid.

Johannes 11:25-26; 1 Korintiërs 15:20,42-57

Christus se oorwinning oor die dood het die angel en finaliteit uit die dood uitgehaal.

Elkeen wat tot sterwe kom, kan nou weet – Jesus het hier deurgegaan en Hy sal my ook daardeur bring om by Hom te wees.

Net soos Christus se liggaam opgewek is uit die dood, so kan elkeen van ons weet dat ons eendag in die hiernamaals 'n nuwe opgewekte liggaam sal hê – verhewe en sonder die swakhede van ons aardse liggaam.





KERN GEDAGTE(S)

Deur Jesus Christus uit die dood op te wek het God weereens bevestig dat hierdie Jesus sy Seun is en die Redder van die wêreld.

Dit is die moeite werd om te onthou dat Jesus nooit so triomfantlik oor die dood sou gewees het, as Hy nie eerstens bereid was om Sy lewe op te gee nie. Ons kan alleenlik God se nuwe lewe ontvang wanneer ons nie meer self alles wil beheer nie, maar kontrole van ons eie lewens oorgee.

BYBELSTUDIE : 1 Korintiërs 15:1-11

Die Christen geloof is al menigmaal ondersoek en is daar gepoog om die opstanding van Christus Jesus te weer lê. Meestal word dit verwelkom deur ons as gelowiges, want juis hierdie in diepte ondersoek het al menig maal gelei tot die oortuiging en bekering van die 'ondersoeker' dat Jesus Christus die ware Redder en lewendmaker is.

Paulus brei in hierdie teksgedeelte uit op hierdie sleutel-gedagte. Die volgende vrae behoort jou te help om die teks beter te verstaan.

1. (v 1-2) Hoe belangrik is die "waarhede" waaroor Paulus skryf?
2. (v 3-5) In hierdie verse vestig Paulus die gemeenskaplike oortuigings vir die Kerk. Identifiseer die vier gebeurtenisse wat gelys word. Hoekom is dit belangrik dat al vier gebeure in een sin genoem word?
3. (v 3-5) Hoe word die vraag beantwoord, dat Jesus alleen "geestelik opgewek" was? Hoekom is die frases "hy was begrawe"; "op die derde dag" en "volgens die Skrifte" so belangrik?
4. (v 5-8) Hoe verklaar hierdie verse die hipotese dat die vroeë Christene hallusinasies gehad het?
5. (v 9-11) Paulus skryf oor sy eie persoonlike transformasie en werk vir die Evangelie. Dink jy daar is betekenis in die gebruik van die voornaamwoorde – *ek, hulle, ons, jy* – in v11?
6. Wat moet ons doen met tekste of getuienisse wat teenstrydig is met die Bybel?
7. Hoe beïnvloed jou geloof in die opstanding jou uitkyk op die dood? En op jou lewe?

